



Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Dogmata Calvinio propria his addita.

urn:nbn:de:hbz:466:1-38447

Art. V. Sectarum singularum Dogmata particularia.

tionem Sacramentalem acceperit, illud in articulo mortis legitimè interrogatum, etiam cum juramento, negare, quamvis ipse ipso de illo sermonem instituat.

III. Licere subditis interficere Regem Protestantem, ut eo amoto introducatur fides Catholica: & si Regicida eo titulo morti adjudicetur, cum Martyrii laurea coronandum.

IV. Regem à Papa excommunicatum à Subditis suis deponi, & occidi posse.

V. Papam suā dispensatione licitum posse facere in ullo casu mentiri, aliave contra legem Dei mala perpetrare, ut inde boni aliquid eveniat.

VI. Licere uxori maritūm concubinarium è medio tollere.

Patres Professi Provinciae Anglicanae juxta triennalem morem congregari declarant, se neque didicisse, neque docuisse, neque audivisse ab ullo è Patribus nostris edocatas unquam fuisse prædictas propositiones: imò singulos, eas omnino detestari. Actum Gandavi in domo tertiae probationis Anglorum Societatis. Iesu 4. Julij 1681.

De *juramento Fidelitatis* ibidem sic decernitur. Ut uniformiter (quod in Congregatione rogatum fuit) inter Nostrorum in modo agendi circa juramentum Fidelitatis, uti vulgo nominari solet, procedatur.

I. Profiteamur omnes tantam à nobis singulis erga Regem nostrum cum res tulerit, sincerè jurandam, & exhibendam obedientiam, atque fidelitatem, quanta ab ipsis ubi vis Catholicis subditis quibuscumque Principibus exhiberi solet.

II. Juramentum Fidelitatis, uti jam est, variis heterodoxis inspersum clausulam, suscipi non posse, præfertim cun id summorum Pontificum Brevibus sit datum.

Actum in Congregatione Provinciali Patrum Anglicorum Societatis / E.S.U celebrata Gandavi in Domo tertiae probationis ejusdem Societatis die 5. Julii 1681. Nonne hæc perfecta fidelitas est ex ipsa Christi sententia, Reddere quæ sunt Cæsaris, Cæsari, & quæ sunt Dei Deo?

Experimenta certè hujus Fidelitatis habuit Rex Carolus Primus, & Secundus, dū à suis subditis Heterodoxis & secutim ille, & hic exilia passus, Patres, & Catholicos Angliae & Hiberniae habuerunt sibi fidelissime & constantissimè adhærentes, etiam cum fortunatum, terrarū, & bonorum pñm omnium jaētura. Hæc nemo ignorat qui in præteriorum temporum rebus recenter gestis aliquid habet memoria.

Quis non meminuit, dum Rex exil in Gallia versatur, quot legationibus ex parte Catholicorum in Hibernia solicitatus fuerit ut eō securus adveniret, ab omnibus Regni Catholicis recipiendus, & ad extremum usque spiritum defendendus. Ac postea ipso in suum locum Proregem transmittente, quomodo contra Regis hostes heterodoxos pro ipsius jure ac corona usque ad extremum Patriæ exitium fidelissime decertaverint.

Recenti & ipse memoria retineo, dum idem Rex Carolus II. in Belgium profugus cum Fratribus adveniret, quantà fidelitate pñ alii, Catholici? Toceres plurimi tñ Angli, quam Hiberni ipsi adhaerent; ac eorum Legiones integræ se Regis ac Ducis Eboracensis obsequio mancipaverint. Hæc sanè, & alia quæ prætero, potentissima sunt Catholicorum erga suum Règem fide-

litatis exempla, quæ si memoriam recolantur, facilè poterunt obstruere ora loquentium iniqua, & ab æquo, novoque Rege præmia potius, quam calumniarum fidem promereri.

ARTICULUS V.

Novarum Sectarum dogmata Particularia proponuntur.

Hereses Calvinii cum Lutheru communes.

C Alvinus, qui fuit tempore posteriori Lutheri quietus est, & infuper novos addidit, quos superius variis locis singillatim refutavimus. Quoniam verò ex illis profluxerunt plurima dogmata recentiorum Sectarum, illos etiam hic sub unum aperctum summatim profremus.

Docuerunt illi, Scripturam esse per se claram, & solam Regulam Fidei.

Traditiones non esse admittendas.

Ecclesiast Romanam successu temporis à vera Fide defecisse.

Pontificem Romanum non esse Caput Ecclesie, nec judicem controversiarum fidei.

Sanctos non esse invocandos, nec honorandas eorum imagines, aut reliquias.

Sacramentum Confirmationis, extrema Unctionis, & quedam alia non esse admittenda.

Sacrificium Missæ abrogandum: Communionem dandam sub utraque specie.

Purgatorium non admittendum, nec indulgentias, nec preces pro defunctis prodesse.

Confessum non requiri in Ministris Ecclesie.

Liberum homini arbitrium ad opera bona, & malam per primum peccatum periisse.

Ex sola Fide hominem justificari, non ex Merito bonorum operum.

Jejunium, abstinentiam, & alia præcepta Ecclesie explodenda esse. In his plura particularia dogmata continentur, & alia singulare Lutheri accuratè exprimitur in Bulla Leonis X. in fine hujus Tractatus.

Dogmata Calvino propria his addita.

D Eum secundum essentialē perfectionem non esse infinitum. Nec ubique presentem in hoc mundo, se ubique in celo.

Decreta Dei non esse ab æterno. Dei æternitatem non esse indivisibilem, sed divisibilem & successivam.

Christum non esse mortuum pro omnibus, sed pro solis prædestinatis.

Illum in cruce desperasse, nec verè ac propriè descendisse ad inferos.

Per suam mortem ac passionem nihil sibi meruisse.

Christum ab initio multa ignorasse, quæ postea didicit. Sed in hunc errorem lapsus est etiam Lutherus.

Imaginem Christi honorandam non esse.

Prædestinatos esse ab æterno quosdam homines ad gloriam, & quosdam ad damnationem, sine ullo ipsorum merito, aut horum culpa, sed ex Dei beneplacito.

Hoc decretum prædestinationis tam fixum esse ut tollat omnem arbitrii libertatem in negotio prædestinationis.

Gratiam per Christum dari solis prædestinatis. Et his non dari gratiam habitualē sive sanctificantem,

Art. V. Sectarum singularum Dogmata Particularia.

101

tem, sed tantum actualem. Et hanc non sufficere ad servandum totam legem Decalogi: ac per eam tolli usum liberi arbitrii.

Deum esse auctorem peccati; & homines ad peccata impellere.

De Baptismo infantium docet, Omnes filios fideliū nasci sanctos, & ut salvantur Baptismo non indigere. Infidelium verò filii Baptismum non professe: filios denique illegitimos ad Baptismum non admittendos.

De Sacramento Eucharistiae, Calvinus cum suis, negat Corpus & Sanguinem Christi verè & realiter esse præsentem in Eucharistia, sed tantum figurativè: quod est omnino contra Lutherum & Lutheranos, quorum dogmata propria, ut dixi, reperiuntur in hujus Tractatus fine expressa prout ab initio damnata fuerunt.

Heresis Anglicana Protestantum, Puritanorum, Independentium.

Protestantes in Anglia Religionem sibi fabricarunt à ceteris protestantibus Germania in multis diversam, uti supra cap. 2. ostendi eos nec quidem in articulis fundamentalibus per omnia convenire. Est autem Secta protestantum confusa ex variis dogmatibus partim Lutheri, partim Calvini, quibus & alia sunt ad juncta dogmata, ritusque ab utroque diversi. Nam primò, protestantes Regem statuant esse Caput supremum Ecclesie Anglicanae. 2. Admittunt Ecclesiam debere confari ex Archiepiscopis, Episcopis, Decanis, aliisque gradibus Ecclesiastica hierarchia. 3. Varios recipiunt Catholicorum antiquos ritus, altaria, cereos, supercilicia; non tamen realem Christi præsentiam in causa Eucharistica. Estque hæc in Anglia Religio Regis, & Aule, cui per varias Leges conantur reliquas Sectas conformare.

Puritani è contra sunt rigidi Calvinisti, nec nisi purum Dei verbum juxta Calvini placita se admittente profitentur. Hi in negando Regis primatu: in excludendis gradibus Hierarchia Ecclesiastica: in eliminandis omnibus Ecclesiæ Romanæ ritibus, Protestantibus è diametro opponuntur. Qui & alio nomine *Presbyteriani* nuncupantur: eo quod velint Ecclesiam suam, exclusis Episcopis ac Ministris, à solis Senioribus laicis administrari.

Independentes, qui maximè Cromwelli tempore emerserunt, in hoc Puritanis ac Protestantibus adversantur, Quod neque Reges, neque Episcopos, neque Seniores ad Ecclesiæ Regimen admittant. Sed velint quemlibet sibi Ministrum esse: ac quemvis sine ulla persona ac sexus distinctione esse legitimum verbi Dei praecomeni, idque quovis loco, ac tempore, dum sentit le à Spiritu Sancto ad prædicandum Dei verbum impelli. Ac proinde templa, altaria, pulpita, rem frustraneam, & è medio collendam existimant. Pro sua verò Secta defensione contra reliquos Sectarios hoc argumentum validè intorquent: Vobis omnibus licuit Ecclesia Romana antiquos ritus ac Ceremonias omnes revertere ac reformare, quibus centenis annis ante vos usus fuerat. Ergo nobis multò magis licebit vestros Ritus, Ecclesias, ac Ceremonias abolere, quæ tantum de novo emerserunt, neque parent eum Ecclesia Romana autoritatem, aut antiquitatem obtinuerunt. Vide-

ant quæso Protestantes & Puritani, nisi à tuo errore recedant, quo pacto ab hoc Independentium argumento se se expiant.

Annotatio particularis ad Sectam Anglicanam, aliasque modernas.

Vox una & doctrina communis Sectariorum hujus temporis hæc est: Ecclesiam Romanam à vera fide defecisse, & in gravissimos errores prolapsam per mille ducentos annos. Et hanc esse causam cur Clerus & populus Anglie, Hollandie, & Germanie ex parte non modica, Ecclesiam Romanam deferuerit, & oppugnare coepit. Atqui non hanc, sed longè aliam ab eadeficiendi Causam fuisse, ipsa defectionis primordia luce meridiana clarius demonstrant.

Primo, in Clero & populo Anglie, integris illis milie & ducentis annis viguit, floruit, triumphavit Religio Romana, cum summa Cleri, Populi, Principum veneratione. Nullus horum eam incusavit, nullus redarguit, nullus totis viribus non defendit. Invadit subito Henricum octavum Anglie Regem libido iniqua repudiandi conjugem legitimam, & ducendi Bolenam pellit. Obstat vehementer Pontifex Romanus Regis libidini, & anathematis pœnas intentat. Has ut Rex fugiat, & Bolenam retineat, Pontificis jugum excutit, Ecclesiæ Romana hostesadvocat, opima illius spolia suis affecclis in prædam exponit. Res mira! per tot secula toto Regno Fides Romana ut sancta & salutifera, & sine ruga colitur, & defenditur: nullus eam tot Praetorum erroris in fide accusavit, nullus lapsam & prostratum advertit. Et ecce subito, ut primum, ob Bolenam, Romana Ecclesiæ Rex adveratur, & ejus prædia in præmium proponit, mox toro Regno proclamatur illa à fide pridem devia, erroribus deformata, vitiis prostrata, nova Babylon: hæc scilicet omnia tot seculis Clerum, populumque universum latuerunt, donec Regis offensum exemplum, gratia ac præmia, populo universo ad detegendos Ecclesiæ errores subito oculos aperuerunt. Ex quibus cuiilibet evidenterissimum est, non Ecclesiæ Romana errores, sed Regis libidinem defectionis causam Anglie præbuisse.

Ad Belgium si pergamus, simili prorsus modo, & causa hæretis Batavica exordium sumpit, nisi quod in Anglia, Regis in Pontificem, in Belgio, Principis in Hispanos offendit, defectionis & hæresis causam ministravit. Notior hæc res est in recenti hominum memoria, & historiis, quam ut hic exponi debeat.

In Germania, primam hæresis Lutheranæ causam & originem fuisse gravem Lutheri iram & offenditionem in Pontificem Romanum, quod in predicatione solenni Indulgentiarum Apostolicarum, æmulis assumptis, ipse neglectus & exclusus fuerit. Placuerunt ipsi Indulgentiae, quas prædicare amiebat, placuit fides Ecclesiæ Romanae, quam semper haerens tenuit, & publicè prædicavit: displicuit sua Personæ contemptus, qui illum in furas egit. Illum ut vindicaret, tum demum omnia in Pontificem & Ecclesiam probra excogitanda, & evomenda fuerunt.

Hæc quisquis singula maturè expenderit priorum Defectionum modernus Sectator, fieri non potest quia evidenter perspiciat, causam suæ separacionis